

Balefalekgetho bao e seng ba nakwana ba saletswe ke dibeke tse tharo feela hore ba faele

Pretoria, 13 Pudukwana 2019 – Sehla sa Lekgetho sa balefalekgetho ka bomong ba batlang ho faela makaleng se kwetswe ka la 31 Mphalane 2019. SARS e lakatsa ho leboha balefalekgetho ka dinyehelo tsa bona ho fihlela jwale mme e bile e kgothaditswe ke dikgutliso tsa lekgetho la lekeno tse 3 882 111 tse faetsweng dikanaleng tsa dijithale le makaleng. Dikgutliso tsena di akaretsa dinyehelo tsa monongwaha le tsa dilemo tse fetileng.

Ho faelwa ha dikgutliso tsa lekgetho ho efe kapa efe ya dikanale tsa dijithale, e leng, SARS MobiApp le eFiling bakeng sa balefalekgetho bao e seng ba nakwana ho fihla pheletsong ka la 04 Tshitwe. Sena se neha balefalekgetho ba faelang ka mokgwa wa elektronike dibeke tse ding tse tharo ho etsa jwalo. Balefalekgetho ba nakwana ba na le ho fihlela ka la 31 Pherekong ho faela ka eFiling.

Ha ho faela ka mokgwa wa dijithale ho ntse ho le teng, SARS e sa ntse e lebelletse kakanyo ya palo e ka bang 1 744 535 ho tloha ka la 8 Pudukwana 2019 ya dikgutliso tse ntseng di le morao tse nyehetsweng ka metjha ena. SARS e batla ho hopotsa balefalekgetho ba sokang ba faela hore Sehla sa Lekgetho sa 2019 se hlophisitswe ka tsela e etsang hore ho faelwa ha kgutliso ho be bonolo.

Balefalekgetho ba koptjwa ho sebedisa monyetla ona mmoho le tshehetso ena pele ho la 04 Tshitwe, moo Contact Centre e tla sebetsa pakeng tsa 08:00 le 18:00 ka la 25 – 29 Pudukwana, le pakeng tsa 08:00 le 13:00 ka Moqebelo wa la 30 Pudukwana.

Ebang nako ena ya ho faela ka tsela ya elektronike e sa sebediswe, ho tla ba le dikotlo tsa taolo bakeng sa kgwedi ka nngwe eo kgutliso e sa kang ya nyehelwa ka yona. Ho se faelwe ha dikgutliso ke tlolo ya molao.

Balefalekgetho ba ntseng ba na le dikgutliso tse morao ba ka rwalla SARS MobiApp ho tswa ho Playstore kapa Appstore mme ba etse tsena tse latelang ha bonolo:

1. Ho ingodisetsa SARS eFiling.
2. Ho nehelana ka kgutliso,
3. Ho sebedisa khamera ya founu ho hlomathisa ditokomane tsa tshehetso.
4. Ho boela ba fumana hape kapa ho teha botjha di-*password* tsa bona mmoho le
5. Ho boha Ditsebiso tsa bona tsa Hlahlobo (ITA34), hara ditshebeletso tse ding.
6. Ho kopa hore ba boele ba letsetswe le ho thuswa ke akgente ya lekgetho ya SARS.

SARS e boetse e ntjhafaditse eFiling haholo mme entse hore tshebediso ya yona e be bonolo le ho o neha monyetla wa ho faela kae kapa kae.

Balefalekgetho ba welang mokgahlelong ona ha ba hloke ho nehelana ka kgutliso:

1. Paloyohle ya lekeno la bona mosebetsing ka selemo pele ho kgulo ya lekgetho ha e fete R5000 000
2. Ba fumana lekeno la mosebetsi ho tswa ho MONGAMOSEBETSI A LE MONG FEELA bakeng sa selemong se tletseng sa lekgetho
3. Ha ba na mofuta ofe kapa ofe o mong wa LEKENO (o kang alawense ya koloi, lekeno la kgwebo, lekeno la rente, tswala e lefiswang lekgetho kapa lekeno la mosebetsi o mong)
4. Ha ba na dikgulo dife kapa dife tsa tlatsetso tse dumelletsweng ho ka hulelwa lekgetho tseo ba ka di tsekang (tse kang ditshenyehelo tsa kalafo, dikabelo tsa ho beha meja fatshe le ditshenyehelo tsa maeto).

Ebang balefalekgetho ba etela lekala ka potso e mabapi le lekgetho la lekeno la batho ka bomong, ba tla thuswa ka tsela ya *self-filing* ka MobiApp kapa ka dikanale tsa eFiling. Balefalekgetho ba nang le di-*smartphone* ba tla lokela hore ba rwalle SARS MobiApp pele ba ka tswele pele ka ho faela.